

PRAVILA NAGRADNOG TAKMIČENJA "Učenje kakvo želimo"

Školska godina 2020/2021

1. OPŠTE INFORMACIJE

U želji da unaprijedimo online obrazovanje u BiH i time pomognemo našim učenicima i nastavnicima tokom online nastave, organizujemo zanimljiv nagradni konkurs (u daljem tekstu „Nagradni konkurs“ ili „Nagradno takmičenje“).

Nagradnim konkursom **"Učenje kakvo želimo"** pozivamo pojedince, grupe i kolektive da dostave svoje digitalne obrazovne sadržaje pogodne za objavu na besplatnoj edukativnoj platformi STEM.BA, vodećem portalu za online edukaciju u BiH.

To može biti video lekcija, tutorijal, vježba, kviz, igrica, prezentacija, ili bilo koji drugi digitalni edukativni sadržaj prilagodjen osnovnoškolskom ili srednjoškolskom uzrastu iz neke od sljedećih oblasti:

Fizika, Hemija, Arduino, Elektronika, Ekologija, Zelene tehnologije, Informacione tehnologije ili Zanimljiva nauka.

Digitalni edukativni sadržaji treba da budu u funkciji omogućavanja lakšeg učenja, shvatanja pojmova, pojava, procesa i/ili provjere usvojenog znanja za sve učenike koji budu koristili digitalne obrazovne sadržaje putem platforme STEM.BA. Svrha takmičenja je da unaprijedimo kvalitet i raznovrsnost besplatnih digitalnih edukativnih sadržaja za učenike u BiH.

Sadržaji treba da budu na bosanskom, srpskom ili hrvatskom jeziku.

Svoje materijale možete dostaviti putem emaila info@stem.ba .

Svi materijali koji zadovoljavaju kriterije će biti objavljeni na vodećem edukativnom portal u BiH STEM.BA na besplatno korištenje svima, a **najbolje materijale, te učesnike sa najvećim brojem prihvaćenih sadržaja ćemo nagraditi vrijednim nagradama naših sponzora.**

2. ORGANIZATOR

Nagradno takmičenje “**Učenje kakvo želimo**” organizuje i sprovodi Udruženje Centar za održivi razvoj, Brčko (u daljem tekstu i kao: Organizator).

3. TRAJANJE NAGRADNOG TAKMIČENJA

Nagradno takmičenje počinje **01.11.2020.** i traje do **31.03.2021.** godine. Radovi se mogu dostavljati isključivo tokom perioda trajanja nagradnog takmičenja.

4. PRAVO NA UČEŠĆE

Učešće na konkursu je besplatno i dobrovoljno.

Takmičenje se organizuje za teritoriju Bosne i Hercegovine.

Na takmičenju mogu učestovati fizička lica, neprofitne organizacije, kompanije, škole i druge obrazovne ustanove .

U takmičenju mogu da učestvuju i maloljetna lica, a ukoliko postanu dobitnici jedne od nagrada, mogu ih preuzeti uz prisustvo ili odobrenje roditelja ili zakonskog staratelja.

Iz učešća na nagradnom takmičenju isključeni su zaposleni kod Organizatora, kao i njihovi bliski srodnici.

6. NAČIN UČESTVOVANJA U TAKMIČENJU

Zadatak nagradnog takmičenja je izrada i dostava sopstvenih digitalnih obrazovnih sadržaja pogodnih za objavu na edukativnoj platformi STEM.BA.

To može biti video lekcija, tutorijal, vježba, kviz, igrica, prezentacija, test ili bilo koji drugi digitalni edukativni sadržaj prilagodjen osnovnoškolskom ili srednjoškolskom uzrastu iz neke od sljedećih oblasti:

Fizika, Hemija, Arduino, Elektronika, Ekologija, Zelene tehnologije, Informacione Tehnologije ili Zanimljiva nauka.

Pozivaju se učesnici da pogledaju već objavljene radove na STEM.BA i da se fokusiraju ili na nove sadržaje ili na značajno unapređenje već postojećih lekcija, testova, kvizova i ostalog sadržaja. Radovi trebaju da budu zanimljivi za mladu populaciju i da budu prilagođeni za onlajn učenje. Preferiraju se sadržaji kraćeg obima ili trajanja (u slučaju video lekcija).

Sadržaji treba da budu na bosanskom, srpskom ili hrvatskom jeziku.

Svaki učesnik može dostaviti više autorskih sadržaja, i u obzir za nagradu će biti uzeti svi dostavljeni sadržaji, a koji su u skladu sa postavljenom temom. Jedan učesnik može konkurisati za više nagrada.

Organizator će prihvatiti samo sadržaje čiji su autori osobe koje se prijavljuju na konkurs ili koji imaju pismeno odobrenje autora za prijavu na konkurs, u skladu sa svim pravilima ovog nagradnog takmičenja, a posebno onih koja se odnose na autorska prava i prava intelektualne svojine.

Organizator će prihvatiti samo sadržaje poslate u predviđenom periodu trajanja konkursa, a sadržaje poslate nakon završetka konkursa, neće biti uzimane u obzir za nagrade, ali mogu biti objavljene na portalu STEM.BA.

Organizator zadržava pravo da diskvalifikuje sve učesnike za koje smatra da sadržaj postavljenog sadržaja na bilo koji način nije odgovarajući ili kod kojih primjeti bilo kakve nepravilnosti prilikom učestvovanja. U slučaju neprikladnog sadržaja Organizator zadržava pravo da sporni sadržaj isključi iz nagradnog konkursa, bez prethodnog obavještenja.

7. AUTORSKA PRAVA

Svaki učesnik konkursa mora biti autor ili nosilac autorskih prava za sadržaj koji prijavljuje na konkurs.

Autori, učesnici na nagradnom takmičenju **“Učenje kakvo želimo”**, ustupaju svoje dostavljene sadržaje na trajno korišćenje portalu STEM.BA i odriču se prava na bilo kakvu finansijsku ili drugu naknadu. Organizator ima pravo izmjene ili dopune dostavljenog materijala u svrhu prilagodbe sadržaja portalu STEM.BA.

Organizator ne snosi odgovornost za eventualno kopiranje, neovlašćeno objavljivanje i sl. prispjelih i objavljenih sadržaja.

Svi prijavljeni sadržaji ne smiju sadržati nikakvo kriminalno djelo/ aktivnost, niti ugrožavati građanska prava i zakone. Takođe, ne smiju se kršiti autorska prava, pravila, niti javna svojina ili pravo na privatnost bilo kojeg trećeg lica. Zabranjeno je dodavanje logo-a, logotipa, “watermark”-a i sličnih oznaka na sadržajima.

Organizator nije odgovoran za bilo koje netačne ili nepotpune informacije od strane učesnika ili mogućih tehničkih i softverskih problema web programa-aplikacije Konkursa, kao ni za moguće probleme u slučaju kompjuterskih virusa i drugih neovlašćenih intervencija i ostalih tehničkih problema.

8. PROGLAŠENJE POBJEDNIKA NAGRADNOG TAKMIČENJA

Ocjenu dostavljenih priloga vršit će oficijelni žiri kojeg će imenovati Organizator. Nakon sabiranja svih bodova (iz obje kategorije: najbolji radovi I autori sa najviše prihvaćenih sadržaja), proglasit će se dobitnici nagrada. Dobitnici nagrada će biti proglašeni do 30. aprila 2021. godine, do 17.00h.

Dobitnici će biti objavljeni na portalima www.cor.ba, te www.stem.ba

9. NAGRADE

Organizator će dodijeliti ukupno 10 vrijednih nagrada - za 3 učesnika sa najviše prihvaćenih i objavljenih sadržaja na STEM.BA, te za 7 edukativnih sadržaja sa najviše bodova od strane žirija.

Nagrade će biti edukativni setovi i/ili oprema iz robotike, elektronike, arduina, IT-a, fizike, tehničkog obrazovanja ili hemije, ili ostale vrste nagrada koje će naši sponzori donirati nagradjenim učesnicima.

10. OBAVJEŠTAVANJE DOBITNIKA I URUČIVANJE NAGRADA

Dobitnici će biti objavljeni na portalima www.cor.ba, te www.stem.ba, a svi dobitnici će još dodatno biti informisani putem emaila.

11. PREUZIMANJE NAGRADA

Preuzimanje nagrada će se vršiti u dogovoru sa dobitnicima – ili u prostorijama Organizatora / sponzora ili dostavom putem brze pošte. U slučaju da neki od dobitnika odbije nagradu, odustane od daljeg takmičenja, bude diskvalifikovan u međuvremenu, ili ne dostavi svoje

podatke u predviđenom roku, Organizator zadržava pravo da ne nagradi druge učesnike istom ili nekom drugom nagradom.

Nagrada će biti dostavljena dobitnicima najkasnije 30 dana nakon objavljivanja rezultata nagradnog takmičenja.

12. ZAMJENA, PRIJENOS I ODGOVORNOST U VEZI SA NAGRADOM

Nije dozvoljena nikakva zamjena nagrade njenom vrijednošću u novcu. Nagrada se ne može prenijeti, niti ustupiti drugima prije nego što se izvrši njihovo uručenje dobitniku. Učesnici prihvataju da Organizator nije, niti će na bilo koji način biti odgovoran za ikakve obaveze, garanciju ili jamstvo koje bi, bilo po zakonu ili po prirodi stvari, mogli nastati u vezi s bilo kojom nagradom.

13. OTKAZIVANJE

Organizator ima pravo da jednostrano otkáže ovo nagradno takmičenje u bilo kojoj fazi, uz obavještenje, ukoliko bi došlo do materijalne povrede ili zloupotrebe Pravila takmičenja ili događaja koji imaju karakter više sile. Ukoliko nastane neka od navedenih okolnosti, ovo nagradno takmičenje biće odmah obustavljeno jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće se nadoknaditi troškovi, direktna ili indirektna šteta učesnicima u ovom nagradnom takmičenju, niti će se nagradno takmičenje održati. Takmičenje se može prekinuti prema odluci Organizatora Organizator ne snosi nikakvu odgovornost u slučaju prekida ovog takmičenja iz navedenih razloga.

14. ZVANIČNA PRAVILA PROMOTIVNOG TAKMIČENJA

Samim učešćem u ovom promotivnom nagradnom takmičenju učesnici prihvataju da ih ova zvanična Pravila obavezuju. Odluke Organizatora donesene prema Pravilima o provođenju promotivnog takmičenja su konačne i obavezujuće za sve učesnike. Organizator ima pravo da jednostrano dopuni ili promijeni Pravila, uz prethodno javno objavljivanje u medijima u kojima su objavljena Pravila ovog takmičenja.

15. ZAVRŠNE ODREDBE

Prijavom za učestvovanje na ovom konkursu smatra se da je svaki učesnik pročitao/la ova pravila, da ih je razumio u cjelosti i dao saglasnost za korištenje dostavljenog digitalnog obrazovnog sadržaja od strane Organizatora i portala STEM.BA.

Učešćem u ovom konkursu, pobjednici su saglasni i da se njihovo ime javno pomene.

Organizator zadržava pravo da mijenja pravila takmičenja u svakom trenutku.

Učešćem u takmičenju, učesnici su saglasni sa svim tačkama ovog Pravilnika.

U svakom trenutku, učesnici mogu kontaktirati Organizatora putem emaila info@stem.ba.